



UBURYO KWIYUHAGIRA IJANABA BIKORWA.

Hadith yaturutse kwa Maymunat Nyina w'abemerana (Imana imwishimire) yaravuze ati: Nazaniye Intumwa y'Imana (Imana iyihe amahoro n'imigisha) igikoresho kirimo amazi kugira ngo yiyuhagire, nuko ndayikingira n'umwenda, isuka amazi mu kiganza ikaraba intoki, maze isukisha indyo yayo yoza ubwambure bwayo ikoresheje imoso, irangije ishyira intoki zayo z'ikiganza cy'imoso mu itaka irazihanagura irangije irazikaraba; hanyuma ishyira amazi mu kanwa iracira, irangije iyashoreza mu mazuru irayasohora, nyuma ikaraba uburanga bwayo n'amaboko yayo, irangije iyasuka mu mutwe wayo no ku mubiri wayo wose, nuko yimukira ku ruhande ikaraba ibirenge byayo, nyihereza umwambaro yanga kuwufata, maze igenda iri kwihanagura amazi ikoresheje intoki zayo.

[Hadithi y'impamo] [Yemeranyijweho na Bukhari na Muslim]

Nyina w'abemeramana Maymunat (Imana imwishimire) araturubwira uburyo Intumwa y'Imana (Imana iyihe amahoro n'imigisha) yiyuhagiye ijanaba, aho yayizaniye amazi kugira ngo yiyuhagire, maze amukingira akoresheje umwambaro, maze Intumwa y'Imana (Imana iyihe amahoro n'imigisha) ikora ibi bikurikira: Icyamba mbere: Yasutse amazi mu ntoki zayo irazikaraba mbere yo kuzinjiza mu gikoresho cyari kirimo amazi. Icyamba kabiri: Yasukishije indyo yayo amazi ku kiganza cy'ibumoso ibanza koza igitsina cyayo (gusitanji); kugira ngo ibanze igisukure. Icyamba gatatu: Yanyujije intoki zayo mu itaka irangije irazikaraba, kugira ngo hataba hari umwanda wazisigayeho. Icyamba kane: Yashyize amazi mu kanwa kayo irangije irayacira, nyuma irayashoreza mu mazuru irangije irayapfuna; Icyamba gatanu: Yakarabye mu buranga bwayo no ku maboko yayo. Icyamba gatandatu: Yasutse amazi mu mutwe wayo. Icyamba karindwi: Yasutse amazi ahandi hose hasigaye ku mubiri. Icyamba munani: Yavuye aho yiyuhagiriye yimukira ahandi ikaraba ibirenge byayo, kuko itari yabikarabye. Hanyuma Maymunat amuhereza igitambaro ngo yihanagure, yanga kugifata, ahubwo yihanagura amazi ikoresheje intoki zayo.

<https://sunnah.global/hadeeth/rw/show/3310>

